

Ata Faataitai, Vaega 2

Ina ua maca se lesona inisitituti e uiga i le faaipoipoga e faavavau, sa taufai lagona uma e Lui ma Ema le faagaetia e faia ni suiga ma faalagolago atili i le Alii. Ina ua taunuu atu Lui mo le vasega inisitituti i le vaiaso na sosoo ai, sa nofo o ia i autafa o Ema ma sa ia faailoa atu o ia. I le aluga o taimi, na avea i laua ma se uo lelei. Sa la fuafuaina le tele o gaioiga e mafai ai ona faaalu faatasi so la taimi ma aoao ai e uiga i le tasi ma le isi. Sa i ai le taimi, ua la atiina ae ni lagona malolosi mo le tasi ma le isi.

E ui i lea, na i ai ni popolega o Ema. E i ai sana lisi o uiga auauumama e manao ai o ia i se tane. E tele nei uiga auauumama o Lui, ae e le o uiga uma ia.

Ua amata foi ona lagona e Lui le popole. Ua alofa o ia ia Ema, ae o le vaaia o le le taulau o le faaipoipoga a ona lava matua sa popole ai o ia i le faia o se mea sese i le filifilia po o ai e faaipoipo i ai. Sa ia mafauina ma le faaeteete mea uma sa ia aoaoina e uiga ia Ema mai le tele o a la talanoaga faatasi ma aafiaga. Na ia lagonaina ua ogatusa a laua sini ma ua manao e fai atu ia Ema la te faaipoipo, ae o loo i ai pea le tele o mea moni e le mailoa. Ua tatalo Lui mo se faailoga o Ema o le filifiliga sa'o lea. E oo mai i le taimi nei, e leai se mea ua tupu.

- Mafauina i mea ua e aoaoina mai le vaega 2 o anomea mo sauniuniga. O le a se mea e mafai ona fesoasoani ia Ema i lana faiga i le mea o loo ia sailia i se toalua faamoemoeina? O a ni faafitauli e mafai ona tatou feagai pe afai e maualalo tele pe maualuga tele foi o tatou faamoemoeina mo se toalua?
- O le a se mea e ono fesoasoani mo Lui e malamalama ai e uiga i ona popolega? O le a se mea e ono fesoasoani ia te ia e malamalama ai e uiga i le mauaina o faaaliga? (Mafauina e valaaulia tagata aoga e toe iloilo le vaega 3 o anomea mo sauniuniga.)
- O a gaioiga po o aafiaga e mafai ona fesoasoani i ni tagata se toalua e atiina ae se faigauo ma aoao atili ai e uiga i uiga auauumama, uiga, ma tulaga faatauaina o le tasi ma le isi? O a ni uiga auauumama se tasi pe lua o le faaola ua e faamoemoe e atiina ae i sauniuniga mo le faaipoipoga pe a e faaauau pea i lau faaipoipoga?